

Dumonda Degiacomi concernent la situaziun d'abitar da persunas cun malsognas da dependenza

Ils 7 da fanadur 2021 ha la Regenza grischuna communitgà ils plans per extender la purschida d'agid per persunas dependentas en il rom da la realisaziun da l'incumbensa Rettich concernent posts da contact e da consultaziun per persunas dependentas da drogas. Tranter auter ha la Regenza vulì cumenzar tar la purschida d'abitar, perquai che relaziuns d'abitar solidas dattan segirezza e stabilitad.

Tenor la communicaziun da la Regenza dals 2 da matg 2024 ha la Regenza surdà a l'uniun Oase ina incarica da prestaziun fin la fin da 2025 per in project da pilot «Housing First». Durant la fasa dal project da pilot dueva vegnir mess a disposiziun spazi d'abitar a tschintg persunas senza abitaziun e/u senza tetg e vegnir concedida in'assistenza e cussegliaziun speziala.

Tenor il rapport davart la scena da drogas da la citad da Cuira è la cumpart da persunas senza situaziun d'abitar reglada sa multiplitgada per pli che trais giadas da 10 il schaner 2022 sin 33 il settember 2024.

La Regenza vegn supplitgada d'infurmar davart il svilup da la situaziun e davart las emprimas experientschas ch'ins ha fatg cun il project da pilot «Housing First»:

1. Quantas persunas han ins efectivamain pudì intermediar ad ina purschida da «Housing First» e tge emprims effects po la Regenza observar?
2. Tge conclusiuns tira la Regenza grischuna da l'augment da las persunas senza situaziun d'abitar reglada areguard il basegn ed areguard l'urgenza da meglierar las purschidas correspundentas?
3. Co è l'urari per l'ulteriur proceder?

Cuira, ils 12 da favrer 2025

Degiacomi, Danuser (Cuira), Holzinger-Loretz, Adank, Atanes, Bachmann, Baselgia, Bavier, Beeli, Berweger, Biert, Bischof, Bisculm Jörg, Bluvol, Brandenburger-Caderas, Cahenzli-Philipp, Caluori, Candrian, Casutt, Claus, Della Cà, Dietrich, Dürler, Furger, Gansner, Gartmann-Albin, Gredig, Haltiner, Hermle, Hoch, Hohl, Horrer, Kappeler, Kohler, Loepfe, Mächler, Mazzetta, Morf, Müller, Nicolay, Pajic, Preisig, Rageth, Rutishauser, Saratz Cazin, Schläpfer, Stiffler, Thür-Suter, von Ballmoos, von Tscharnier, von Wyl, Walser, Zindel (Igis)